

Inatsisissatut siunnersuummut oqaaseqaatit

Nalinginnaasumik oqaaseqaatit

1. Aallaqqaasiineq:

Siunnersuut una Inatsisartut ataatsimiinniisaannut ukiakkut 2014-mi saqqummiunneqarpoq kisianni ukiakkut 2014-mi qinersisoqartussaanaera pillugu siunnersuut oqaluuserine-qarsimanani. Taamaammat siunnersuut maannakkut Inatsisartut upernaakkut 2015-mi ataatsimiinneranni saqqummiunneqartussa q siunnersuummut Inatsisartut ukiakkut 2014-mi ataatsimiinnissaannut saqqummiunneqartumut sanilliullugu allaassuteqanngilaq.

Aalisarnej pillugu inatsimmi § 10-mi aqutsisussaataaernerup naleqqunnerusumik pitsaannerusumillu ingerlanneqarnissaa siunertaralugu siunnersuut saqqummiunneqarpoq.

Aalisarnej pillugu inatsimmi § 10 atuuttoq aalisarnej pillugu inatsisip 1996-imi atuutilersinneqarneranili atuunnikuuvoq, Naalakkersuisullu tassunga atatillugu isumaqarput aalajangersakkat aalisarnermi unammilligassavinnut naleqqussarnissaat siunertaralugu inatsimmi erseqqissaanissaq pisariaqartoq.

Aalisarnermi killilersuineri unammilligassat aalisakkanit pisuussutit ikiliartortillugit nungusaataangitsumillu aalisarnermik isiginninniarnernerneq ukiuni kingullerni annertusiartorput. Tamanna pingaartumik sinerissap qanittuani inuussutissarsiutini allani inuit inuussutissarsiutigalugu aalisarnissamik immikkut kissaateqartut soqutiginninnerulernerat pissutigalugu unammilligassat pillugit ajornartorsiorfiungajalersumi atuuppoq, tassa aalisarnej saniatigut isertitsissutaasussatut isigineqarmat.

Aalisarnej pillugu inatsimmi § 10-mi pisinnaatitsissut aalisarnermik tamanut tunngasunik arlalinnik killersuisinnaatitsisoq tassunga atatillugu unammilligassanut taakkununga tunngatillugu naammangitsoq paasinarsivoq.

Naalakkersuisut nalunaarut naapertorlugu akuersissutinik tunniussisarnerannut tunngatillugu arlalinnik piumasaqaateqarsinnaanerit pillugu § 10-mi aamma § 10a-mi pisariaqartumik pisinnaatitsineq pillugu Ombudsmandi taamaalilluni nalornissuteqarnermik aamma saqqummiussivoq.

Unammilligassat taakku pitsaasumik iliuseqarfisinnaajumallugit inatsimmi pisinnaatitsinerup inuussutissarsiutigalugu aalisartunik ataasiakkaanik immikkut killilersuisinnaatitsisup ilanngunneqarnissaa pisariaqarpoq, taamaalilluni annermik inuussutissarsiutini allani ingerlatsisut allat inuussutissarsiutigalugu aalisarsinnaannginnissaat aqutissiuunneqassalluni.

Siunnersuummi uani Kalaallit Nunaata avannaani qaleralinniarnep qaffasissusiata annikillisinneqarnissaa ilimagineqarpoq, taamaalilluni kinguaatta aamma qaleralinniarsinnaanissaat qulakkeerneqassalluni.

2. Siunnersuummi immikkoortut pingaarnert:

Inuit allat inuussutissarsiutini allani ingerlatsisut inuussutissarsiutigalugu aalisarnermi peqataatinnginneqarnissaannik periarfissiinermik siunnersuut kinguneqarpoq.

Aalajangersakkallu pingaartumik siunertaraa Kalaallit Nunaata avannaani qaleralinniarnep aqunneqarnissaa.

Siunertarineqartoq tassaavoq ullutsinnut naleqquttumik aalajangersagaliornissaq, naammattumik allanngorartinneqarsinnaasumik aqutsisinnaanissaq anguniarlugu kiisalu nungusaataannigsumik imminullu akilersinnaasumik inuussutissarsiutigalugu aalisarnermik ingerlatsinissaq siunertaralugu.

Inatsisissatut siunnersuut inatsimmut atuuttumut sanilliullugu	
<i>Oqaasertaliinerit atuuttut</i>	<i>Inatsisissatut siunnersuut</i>
	§ 1 Inatsisartut inatsisaanni nr. 18, 31. oktober 1996-imeersumi, Inatsisartut inatsisaatigut nr. 5, 21. maj 2002-imi allanngortinneqartumi, kingullermillu Inatsisartut inatsisaatigut nr. 12, 3. december 2012-imi allanngortinneqartumi, imatut allannguisoqarpoq:
<p>§ 10a. Aalisakkat erseqqinnerusumik nalunaarsorneqarsimasut aalisarneqarsinnaanerannut aamma aalisarnerup ingerlanneqarnissaanut atugassarititat pillugit Naalakkersuisut malittarisassiorsinnaapput.</p> <p><i>Imm. 2.</i> Aalisarnerup ingerlanneqarnissaanut atugassarititani allanngortitsinernik piffissanut killilikkanik taamatullu aamma aalisarnerup qaqugu aallartinneqarsinnaaneramik</p>	<p>1. § 10a. Imatut oqaasertalerneqarpoq: ”§ 10a. Aalisariutit aalisarsinnaassusiisa aalisarsinnaanermi periarfissanut naleqqussarnissaat siunertaralugu akuersissutit tunniunneqartarnerat ingerlaannartarnerallu taakkunanilu atugassaritinneqartut pillugit Naalakkersuisut malittarisassaliorsinnaapput.</p> <p><i>Imm. 2.</i> Imm. 1 naapertorlugu Naalakkersuisut malittarisassaliornerminni akuersissutip tunniunneqarnerani</p>

<p>unitsinneqarnissaanillu Naalakkersuisut nalunaaruteqarsinnaapput.</p> <p><i>Imm. 3. Imm. 2 malillugu nalunaarutit imm. 1 tunngavigalugu malittarisassiat naapertorlugit nalunaarutigineqarlutillu atortussanngortinneqartassapput. Nalunaarutit Nalunaarutit-Grønlands Lovsamlingimi saqqummiunneqartassanngillat.</i></p>	<p>piumasaqaatigisinnaavaat: Pineqartup siusinnerusukkut akuersissutip assinganik pigisaqarsimanissaa kiisalu aalisarsinnaanermut akuersissutip ukiup siuliani atorineqarsimanissaa.”</p>
	<p>2. § 10b imatut oqaasertalerneqarpoq: ”10b. Aalisakkat ilaannik aalisarsinnaaneq aalisarnermilu atugassaritinneqartut pillugit Naalakkersuisut malittarisassaliorinnaapput.</p> <p><i>Imm. 2.</i> Aalisarnermi atugassaritinneqartut piffissami killilimmi allannguutaat pillugit Naalakkersuisut malittarisassaliorlutik nalunaaruteqarsinnaapput, aammalu aalisarneq qaqugukkut aallartinneqassanersoq aalisarnerlu qaqugukkut unitsinneqassanersoq Naalakkersuisut aamma malittarisassaliorlutik nalunaaruteqarsinnaallutik.</p> <p><i>Imm. 3.</i> Imm. 2 malillugu nalunaarut Namminersorlutik Oqartussat nittartagaat kiisalu tusagassiutit atorlugit avammut nalunaarutigineqassaaq.”</p>

3. Aningaasaqarnikkut allaffissornikkullu pisortanut kingunissai:

Allannguutissatut siunnersuutip taamaallaat kingunerissavaa aalajangiisarnerit ullutsinni pisartut piginnaatitsinissamik piumasaqaat tunngalersorluarnissaa. Taamaattumillu allannguutissatut siunnersuutip pisortanut aningaasaqarnikkut allaffissornikkullu kinguneqarnissaa ilimagineqanngilaq.

4. Aningaasaqarnikkut allaaffissornikkullu inuussutissarsiortunut kingunissai:

Allannguutissatut siunnersuutip taamaallaat kingunerissavaa aalajangiisarnerit ullutsinni pisartut piginnaatitsinissamik piumasaqaat tunngalersorluarnissaa. Taamaattumillu

allannguutissatut siunnersuutip inussutissarsiortunut allaffissornikkut kinguneqarnissaa ilimagineqanngilaq.

5. Avatangiisinut pinngortitamullu kingunissai:

Inatsisissatut siunnersuutip pinngortitamut avatangiisimullu kinguneqarnissaa ilimagineqanngilaq.

6. Innuttaasunut aningaasaqarnikkut allaffissornikkullu kingunissai:

Allannguutissatut siunnersuutip taamaallaat kingunerissavaa aalajangiisarnertit ullutsinni pisartut piginnaatitsinissamik piunasaqaat tunngalersorluarnissaa. Taamaattumillu innuttaasunut tunngatillugu allaffissornikkut kinguneqarnissaa ilimagineqanngilaq.

7. Naalagaaffeqatigiinnermut Nammissorlutillu Oqartussanut tunngasut:

Allannguutissatut siunnersuut Naalagaaffeqatigiinnermut tunngassuteqanngilaq. Aalisarnermi inatsisiliorsinnaatitaaneq Kalaallit Nunaata ulloq 1. januar 1985 tiguaa.

8. Pisortanut kattuffinnullu tusarniaaneq

Siunnersuut piffissami juulip ulluisa 16-ianniit aggustip ulluisa 13-annut 2014 ukununnga tusarniaatigineqarsimavoq; Nunanut Allanut Pisortaqarfik, Aningaasaqarnermut Naalakkersuisoqarfik, Inuussutissarsiortnermut, Aatsitassanut Suliffeqarnermullu Naalakkersuisoqarfik, Arktisk Kommando, Politimestereqarfik, Pinngortitaleriffik, KNAPK, SIK, KANUKOKA, EU-p aalisarnermut pisortaqarfia, Polar Seafood, Peqqissutsimut Attaveqarnermullu Naalakkersuisoqarfik, Ilinniartitaanermit, Ilageeqarnermut, Kultureqarnermut Naligiissitaanermullu Naalakkersuisoqarfik, Ineqarnermut Naalakkersuisoqarfik, Kalaallit Nunaata Eqqartuussivia, Avatangiisinut Pinngortitamullu Naalakkersuisoqarfi, Kukkersuinermit suliffeqarfik Deloitte, Royal Greenland aamma Kalaallit Nunaanni Sulisitsisut Peqatigiiffiat.

Uku tusarniaanermut akissuteqarput:

Aningaasaqarnermut Nunamullu Namminermit Naalakkersuisoqarfik, Inuussutissarsiortnermit, Aatsitassaqarnermut Suliffeqarnermullu Naalakkersuisoqarfik, Avatangiisinut Pinngortitamullu Naalakkersuisoqarfik, Pinngortitaleriffik, Peqqissutsimut Attaveqarnermullu Naalakkersuisoqarfik, Grønlandsbanken, KANUKOKA, Polar Seafood, Kalaallit Nunaanni Sulisitsisut Peqatigiiffiat SIK-lu.

Tulliani tusarniaanerup nalaani tusarniaanermut akissutit sammineqassapput. Tamatumunnga atatillugu oqaatigineqassaaq tusarniaanermi akissutit pingaaruteqassusiannik naliliineq tunngavigalugu taamaallaat pingaarnersiorlugit ilanngunneqarmata. Naalakkersuisoqarfiup taakkununnga oqaaseqaatai *uingasunik* allataapput.

Grønlandsbankenip tusarniaanermut akissummini oqaatigaa isumaqarluni pingaaruteqartoq naalackersuisoqarfik periarfissaqarpat aalisarnermi pissutsinut atuuttunut iluaquteqarniarnermik aqutsinerminik naleqqussaasinnaanissaminut. Tamatumunnga atatillugu Grønlandsbankenip oqaatigaa, aningaaserivik isumaqarpoq sinerissamut qanittumi qaleralinniarneq ullumikkorpiarlu aalisarnerup annertussusia eqqarsaatigalugit ernummatit tunngavissaqartut.

Inuussutissarsiornermut Suliffeqarnermullu Naalackersuisoqarfiup oqaatigaa ersernerluttoq inatsimmut allanguutissatut siunnersuummi inuussutissarsiutigalugu aalisarnej kisimi pineqarnersoq imaluunniit siunnersummut aamma sunngiffimmi aalisarnermut takornarniarnermullu atatillugu aalisarnermut sunniuteqassanersoq.

Sunngiffimmi aalisarnej takornarniarnermullu atatillugu aalisarnej aalisarnej pillugu inatsimmi § 8 malillugu taamaallaat malittarisassaqartinneqarpoq. Taamaalilluni siunnersuut siunnersuutigineqartoq sungiffimmi aalisarnermut takornarniarnermulluunniit atatillugu aalisarnermut sunniuteqassanngilaq.

Polar Seafood tusarniaanermut akissummini oqaatigaa siunertaqarluassagaluartoq isummat – inatsisissatut siunnersuummi pineqartut – inatsisissatut siunnersuutit taamaattut saqqummiunneqannginneri Aalisarnej pillugu Siunnersuisoqatigiinni misilinneqartarpata. Ingerlatseqatigiiffiup tamatumunnga tunngavilersuutigaa Aalisarnej pillugu Siunnersuisoqatigiit ima katitigaammata, siunnersuisoqatigiit siunnersuutit assigiinngitsut aalisarnerup iluani atorsinnaassusiat pillugu tunngavissaqarluartunik siunnersuisarsinnaallutik.

Naalackersuisut aamma Aalisarnej pillugu Siunnersuisoqatigiit akornanni pissutsit Aalisarnej pillugu inatsimmi § 32-mi malittarisassaqartinneqarput, aalajangersakkap imm. 3-ani atuarneqarsinnaalluni ”Naalackersuisut suliassani §§ 5, 7, 9, 10, 11, 13, 18, 20, 22 aamma 23-imut tunngasuni Aalisarnej pillugu Siunnersuisartoqatigiit tusarniartassavaat.”.

Naalackersuisunik siunnersuisarnej pillugu apeqqut qulaani aalajangersakkami malittarisassaqartinneqanngilaq. Taamaalilluni Naalackersuisut namminneq siunnersorneqarnissamik pisariaqartitsineq, taamatullu aamma kina kikkullu siunnersuissanersut, nalilersortartussaavaat. Polar Seafoodip oqaaseqaatai taamaattumik tamanna tunngavigalugu nalilerneqassapput.

Inatsisissatut siunnersuummut atatillugu Kommuneqarfik Sermersuup erseqqissarpaa taamaallaat inuit aalisarnermik inuussutissarsiuteqavissut inuussutissarsiutigalugu

aalisarnermut peqataasinnaanissaat siunertaralugu, peqatigitillugulu uumassusilerineq eqqarsaatigalugu tamatumunnga tunngavissaqarpat immikkut akuersissuteqartarsinnaanermut ammaassisoqarluni, erseqqissumik inatsisitigut tunngavissiiinissaq pitsaasuusoq.

Peqatigitillugu kommunip oqaatigaa annilaangatigalugu inatsisissatut siunnersuutip siunnersuutigineqartup qaleralinniarnermuinnaangitsoq tamatigoortumilli eqquisinnaanera. Tassungalu ilanngullugu kommunip oqaatigaa inuit qinnuteqarnermik nalaani aalisarnerunngitsumik allamik inuussutissarsiuteqartut allamillu inuussutissarsiutitaarusuttut inuussutissarsiutigalugu aalisarnermik ingerlatsisinnaalernissaminnit mattunneqarsinnaasut.

Inatsisissatut siunnersuut saqqummiunneqarpoq aalisariutit pisaqarsinnaassusiisa nunatsinnilu aalisarnissamat periarfissat akornanni pissutsit malittarisassaqtitsinikkut aqunneqarnissaat pisariaqarmat. Taamaalilluni siumut mattunneqareersinnaanngilaaq siunnersuummi § 10a tunngavigalugu malittarisassat sukumiinerusut aalajangersarneqartut aalisakkanut allanut aalisarfinnulluunniit allanut atatillugu atorneqarnissaat. Naalackersuisoqarfiulli qularnaatsumik oqaatigisinnaavaa tamanna siunissami qaninnermi pinaviannгимmat.

Kommunip naggasiutigalugu kaammattuutigaa malittarisassani attuumassutilinni allanngortitsinermit peqatigitillugu aalisarsinnaassuseqarneq aamma annikillisinneqartariaqartoq aalisarnermik ingerlatserusuttut nutaat aalisarnermut peqataalersinnaanissaat ajornannginnerulersillugu.

Naalackersuisut aalisariutit pisaqarsinnaassusiat massakkorpiaq aalisarnikkut periarfissanut naleqqussarniartuartarpaat. Naalackersuisut taamatuttaaq aalisarsinnaanermut akuersissuteqartarnermit malittarisassat allanngortissimavaat taamaalillunilu ullumikkut inuusuttut inuillu 30-it inorlugit ukiullit ajornannginerunerusumik inuussutissarsiutigalugu aalisarnermik aallartitsisinnaalersimallutik.

Qaasuitsup Kommuniata tusarniaanermut akissummini ilaatigut sivirusumik napparsimaneq, angallatip ajoquteqarnera pissutigalugu inuussutissarsiortermit ingerlataqarnerup unikkallarnera aamma aapparisaq ilinniagaqarnera pissutigalugu nuuttariaqarallarsimaneq pissutigalugit aalisarsinnaanermut piginnaatitaaffiigaanermik kinguneqarsinnaanera annilaangatigalugu ersersippaa.

Naalackersuisut siunnersuummi aalajangersakkat tunngavigalugit sukumiinerusunik malittarisassiorniartup, tamatumunngalu atatillugu periarfissaqassaaq inunnut inuussutissarsiutigalugu aalisarnerminnik unitsitsigallarsimasunut aallarteqqikkusuttunullu immikkut akuersissuteqartarnissamat.

Kalaallit Nunaanni Sulisitsisut Peqatigiiffiat SIK-lu ataatsimut tusarniaanermut akissumminni oqaatigaat, § 10a-tut siunnersuutigineqartoq imatut kinguneqarsinnaasoq taamaallaat qinnuteqartut qinnuteqarnerminni akuersissummik pigisaqareersut akuersissummik tunineqarnissaminut periarfissaqassallutik. Taamaattumillu tamanna tunngavigalugu inatsimmi § 10 ajornartorsiutitaqarsinnaasoq.

Naalackersuisut siunnersuummi § 10 a-mik aalisarnerlu pillugu inatsimmi § 10-mik atuuttumik taamatut paasinninnermut isumaqataangillat, siunnersuummi § 10 a eqqarsaatigineqarmat aalisarsinnaanermut akuersissutit eqqarsaatigalugit immikkut atorneqartussatut, akerlianilli § 10-p atuuttup atuuffia nalinginnaanerulluni aalisarnerlu ataatsimut isigalugu atorneqartussatut eqqarsaatigineqarluni.

Tamatumunnga atatillugu Kalaallit Nunaanni Sulisitsisut Peqatigiiffiata SIK-llu oqaatigaat, siunnersuutikkut inuit inuussutissarsiortullu allat avataasiarluni sinerissamullu qanittumi aalisarnernit mattunneqassasut. Kattuffiit taakku marluk malillugit annilaanngatigineqarpoq, aalisarnermut aningaasalersuisinnaaneq piginnaasaqarnerulernissarlu, aningaasaqarniarnikkut piujuaannartitsinerusumik aalisarnermik pilersitsinissamut pisariaqartut, taamaaliornikkut mattunneqassasut.

Inuit inuussutissarsiortullu ilaat aalisarnermit mattunneqarsinnaapput, aalisariutit pisaqarsinnaassusiat nunatsinni aalisarnissamut periarfissanit annertunerlerpat. Inatsisissatulli siunnersuummut nassuiaatini oqaatigineqarpoq sinerissamut qanittumi aalisarnermi malittarisassatigut aqutsiniarnermi unammilligassanut atatillugu siunnersuutip atorneqarnissaa eqqarsaatigineqartoq.

Taamaalilluni eqqunngilaq siunnersuutip aamma avataasiarluni aalisarnermik eqquinissaa.

Tusarniaavigineqartut uku siunnersuummut oqaaseqaateqannngillat:
Aningaasaqarnermut Nunamullu Namminermut Naalackersuisoqarfik, Avatangiisinut Pinnngortitamullu Naalackersuisoqarfik, Peqqissutsimut Attaveqarnermullu Naalackersuisoqarfik aamma Pinnngortitaleriffik.

Aalajangersakkanut ataasiakkaanut oqaaseqaatit

§ 1-imut

Nr. 1-imut

§ 10 a Aalisarsinnaanermut akuersissutinik tunniussisarnermut kiisalu pigiinnarsinnaanissaat pillugu malittarisassiorsinnaanermut Naalakkersuisunut tamanut tunngasumik pisinnaatitsinermut tunngavoq.

Aalisariutit aalisarsinnaassusiat nunatsinnilu aalisarsinnaanermut periarfissat akornanni aqutsinissamik pisariaqartitsisoqarpat aalajangersagaq taanna naapertorlugu malittarisassior-toqarsinnaavoq. Aalajangersagaq § 10 ilanngullugu aalisariutit aalisarsinnaassusiannik inuussutissarsiutigalugu aalisarnerup aaqqissuunneranullu atalluinnartut killilersornerannut aqutsinermut sinaakkutaavoq.

Nr. 2-mut

Qinnuteqartup ukiup siuliani aalisarsinnaanermut akuersissutip assinganik peqarsimanissaa kiisalu aalisarsinnaanermut akuersissutip ukiup siuliani atorneqarsimanissaa piunasaqaatigalugu aalisarsinnaanermut akuersissutit tunniunneqarnissaannut ingerlatiinnarnissaannullu Naalakkersuisut § 10a imm. 2 malillugu malittarisassiorsinnaapput.

Sumiiffimmi pineqartumi aalisarsinnaanermut periarfissat tunngavissaqartitsippata sumiiffiit toqqakkat Naalakkersuisut aalajangersagaq taanna malillugu nalinginnaasumik malittarisassatut aalajangersakkani ilanngutinngitsoorsinnaavaat.

Aalajangersakkami siunertaavoq taamaallaat inuit aalisarnermik inuussutissarsiuteqavissut inuussutissarsiutigalugu aalisarnermi peqataanissamut periarfissaqassat. Peqassutsilli tunngavissaqartitsippata immikkut akuersinissaq periarfissaqarpoq.

Nr. 2-mut

Imm. 1-mut

Aalajangersagaq aalisakkanit pisuussutit atorneqarnerisa aqunneqarnissaannut atuuppoq. Eqqarsaatigineqarpoq aalisakkanit pisuussutit taakku pitsaasumik nungusaataanngitsumillu tunngaveqarluni atorneqarnissaannut Naalakkersuisut pisariaqartumik tamatigoortumik iliuuseqarsinnaassat.

Aalajangersagaq taanna malillugu aalisakkanik aalajangersimasunik aalisarsinnaaneq pillugu malittarisassior-toqarsinnaavoq, aammattaaq aalisariutit angissusaat, sumiiffiit aalisarfissat piffissallu aalisarfiusinnaasut pillugit immikkut malittarisassior-toqarsinnaalluni.

Aammattaaq aalisakkat pisarineqarsinnaanerannut tunngatillugu annertunerusunik piunasaqaateqarsinnaanermut aalajangersagaq taanna periarfissiivoq. Assersuutigalugu saattuarniarnermi aalajangersagaq taanna atorineqarsinnaavoq, tassani aalisarnermi piffissaq pillugu piunasaqaateqarsinnaalluni aalisarnermilu tassani aalisarsinnaanermut akuersissutinut immikkut piunasaqaateqartoqarsinnaalluni.

Imm. 2.- aamma 3.-mut

Aalajangersagaq taanna § 10a-mik atuuttumik ingerlatitseqqineruvoq, taamaallaat avammut nalunaarutigineqarnissaat allannguuteqarpoq. Aalisakkanik aalajangersimasunik aalisarnerup unitsinneqarnissaanik piffissaq sivikitsoq atorlugu inuussutissarsiortunut nalunaaruteqarsinnaanermik pisariaqartitsinerup kinguneranik aalajangersagaq § 10 a. taanna 2002-mi akuerineqarpoq. Taamatut nalunaaruteqarneq nalunaarusiornermik isigineqarpoq taamaammallu nalunaaruteqarnissaq avammullu nalunaaruteqarnissaq pillugu piunasaqaatit nalinginnaasut tunngaviusumik malinneqassallutik.

Nalunaaruteqartarneq avammullu nalunaaruteqartarneq pillugit malittarisassat Inatsisartut Naalakkersuisullu pillugit Inatsisartut inatsisaanni nr. 26, 18. november 2010-imeersumi aalajangersarneqarnikuupput. Inatsimmi tassani malittarisassat malittarisassaapput allanngortinneqarsinnaasut, tassa inatsisartut inatsisaanni aalajangersimasumi imaluunniit inatsisartut inatsisaanni pisinnaatitsisoqarpat nalunaaruteqartarnermi aamma/imaluunniit avammut nalunaaruteqartarnermi periutsit pisuni immikkut ittuni atorineqannginnissaat akornutissaqanngitsutut isigineqarmat.

Aalajangersakkami tassani pisinnaatitsinissamik piunasaqaat taamaalilluni malinneqarpoq. Nalunaaruseqariaatsit pillugit aalajangersakkat nalunaarutini pineqartuni ersissapput, nalunaarutilli aalajangersagaq taanna tunngavigalugu nalunaarutigineqartut Naalakkersuisut nittartagaanni nanoq.gl-imi aallaaviusumik takuneqarsinnaassapput.

Aalajangersakkami uani nalunaarutit atuutilernissamut maleruagassaq pingaarneq, nalunaarutit elektroniskimik www.naalakkersuisut.gl-mut ikkuttarnissaat, malinneqanngilaq, tassa piffissamikkut allannguinerit avammut nalunaarutigineqartassapput nittartakkamut ilanngunneqarnikkut tusagassiuutitigullu nalunaarutigineqartarnikkut. Taamaalilluni aalisarnermut tunngasumik sukkasuumik nalunaaruteqartarneq anguneqarsinnaavoq.

Erseqqissarneqassaaq nalunaarutit atuutilersitsinerillu immikkut ittut aalajangersakkami taaneqartut pillugit malittarisassat taamaallaat pineqartunut ikinnerusunut kikkuneri paasineqarsinnaasunut aammalu aalisarnerup ingerlanneqarnera pillugu piffissami killilimmi

allannguinernik kiisalu piffissaq aalisarnerup aallartinneqarsinnaaneranik qaqugukkullu unitsinneqarnissaanik nalunaaruteqarnermi atorpeqartassasut.

§ 2-mut

Siunnersuutigineqarpoq Inatsisartut inatsisaat ulloq xx. xx 2015 atuutilersinneqassasoq.